



Sensibilité politique
Boîte postale 83
L-7201 Bereldange

Fernand ETGEN
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, den 10/09/2019

Här President,

Sou wéi den Artikel 83 vun eisem Chambersreglement et virgesäit, bieden ech lech, dës parlamentaresch Fro un d'Ministesch fir Kultur weiderzeleeden.

Am Joer 1340 gouf d'Schueberfouer vum Jang de Blannen an d'Liewe geruff. Dëst Joer ass déi 679. Editioun vun dësem Volleksfest. D'Schueberfouer gehéiert hautzedaags zu engem vun de bedeitendsten immateriellen Kulturgidder vum Grand-Duché, voire vun der ganzer Groussregioun. All Joer gi ronn 2 Milliounen Visiteuren erwaart.

Am Joer 2008 gouf d'Schueberfouer an den « Inventaire national du patrimoine culturel immatériel » opgeholl. Den 11. September 2018 huet den deemolege Staatssekretär am Kulturministère Guy Arendt (DP) am Quotidien vun engem zousätzleche Klassement als „Patrimoine immatériel de l'humanité“, op internationalem Niveau, bei der UNESCO geschwat.

D'Sprangpréssessioun zu lechternach ass momentan als eenzege Patrimoine immatériel op internationalem Niveau geschützt.

An deem Zesammenhang wéilt ech der Ministesch dës Froe stellen:

1. Madamm Ministesch, ass d'Regierung nach ëmmer gewëllt bei der UNESCO eng Kandidatur anzereeche fir d'Schueberfouer als Patrimoine immatériel de l'humanité ze klasséieren?
2. Wat ass den aktuelle Stand an deem Dossier?
3. Wat ass den aktuelle Stand beim Opbau vun engem nationalen Inventaire vum Patrimoine immatériel? Ass d'Madamm Ministesch biswell zefridde mam participative Prozess, deen an deem Kontext sollt zesumme mat Associatiounen, Gemengen a Bierger(innen) ulafen? Wéi wäit ass de CNA mat senger Analyse fortgeschratt?

Mat déiwem Respekt,

CLEMENT Sven
Député



www.piraten.lu



Sensibilité politique
Boîte postale 83
L-7201 Bereldange



www.piraten.lu